

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

**Naalakkersuisunut apeqquteqaat:**

- 1) Aviisinut naqitigassaasorpianut, tassa nutaarsiassatut aviisinut taamaallaat aningaasat tapiissutit atorneqarsinnaatitaasut, katillugit qanoq annertutigippat?
- 2) Namminersorlutik Oqartussaniit, pisorta qarfiillu allanniit, "*Mediehuset Sermitsiaq.AG / Erhvervsdrivende Fond Sermitsiaq.AG*"-mut ingerlataannullu tapiissutinik assigisaanillu ukiuni 5 kingullerni qanoq annertutigisumik aningaasalerneqarnikuuppat?
- 3) Aviisinut naqitigassaasorpianut, tassa nutaarsiassatut aviisinut, aningaasat tapiissutit taamaallaat atorneqarsinnaatitaasut, ukiuni kingullerni ingerlatsivimmut "*Mediehuset Sermitsiaq.AG / Erhvervsdrivende Fond Sermitsiaq.AG*"-imut qanoq annertutigisut tapiissutigineqarpat?
- 4) Naalakkersuisut pissusissamisoortippaat silaannaap allanngoriartornera ilutigalugu, immikkorpiaq aviisinuinnaq nutaarsiassaqaarnissamut naqitigassaasunuinnaq aningaasanik atuinissaq, naak nalunagu naqitikkat nunanik allaniit sap. akunneranut arlaleriaq timmisartukkut tikisinneqartartut?
- 5) Naalakkersuisut pilersaaruteqarpat tapiissut taannarpiaq aviisinuinnaq nutaarsiassaasunut atuutsinneqartup, aamma allanut nutaarsiasseeriaatsinut siammartissinnaanissaa?
- 6) Tusagassiorfinnik Nunatsinni aallaavilinnik nutaanik nutaaliaasunillu nutaarsiassiisartunik pinngortitamullu mingutsitsinnginnerusunik pilersitsisoqarnerulerpat, Naalakkersuisut isumaqarpat tamat oqartussaaqataanerat nukittorsarneqassasoq?
- 7) Kalaallit Nunaanni aallaavilinnik "*Mediehuset Sermitsiaq.AG / Erhvervsdrivende Fond Sermitsiaq.AG*"-mut attuumassuteqanngitsunik nutaarsiassaqaartitsiveqarpa?

- a) Peqarsimappat tapiissutiniq pineqartunik qassit qanorlu annertugisunik pisarnersut akeqquneqarpoq.

(Inatsisartunut ilaasortaq Mala Høy Kúko, Siumut)

**Tungavilersuut:**

Nutaarsiassaqartitsiviit aviisunik naqitikkanik ingerlanngitsut taperneqarsinnaanerit annikinnerummat, silaannaallu allanngoriartornerani aviisunik naqiterinissaq sapaatillu akunneri tamaasa arlaleriartumik avataaniit timmisartukkut tikisittariaqarneri ullutsinnut naleqqunna apeqquusernarmat aperivunga.

Apeqqutigineqartut nutsersimanageri nalornissutigineqassappata kalaallisut allaqqasortaa aallaavigineqassaaq. Apeqqutigineqartut ullut suliffiusut qulit (10) iluanni akeqquneqarput.